



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-165-4/26**

Datum: **01.06.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica «FIBRAWORLD» d.o.o. Gradačac, za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta pogona za proizvodnju profila od fiberglasa u Industrijskoj zoni grada Gradačca, na osnovu člana 139. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE

1. Odbija se zahtjev pravnog lica «FIBRAWORLD» d.o.o. Gradačac, za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta pogona za proizvodnju profila od fiberglasa smještenog u Industrijskoj zoni na zemljištu označenom kao k.č. broj: 1148/8 i 1148/9 K.O. Gradačac I, grad Gradačac, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ovo Rješenje ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja predmetnog pogona dođe do promjene tehnologije procesa, pri čemu će dolaziti do produkcije i ispuštanja tehnoloških otpadnih voda u prirodni recipijent, korisnik pogona dužan je da pribavi vodne akte od nadležnog organa.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom pogonu, korisnik zaštitnih vodnih objekata nije odgovoran za nastale štete.
5. Ovo Rješenje se može izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice «FIBRAWORLD» d.o.o. Gradačac podnijelo je dana 24.04.2026. godine ovoj Agenciji zahtjev za izdavanje vodne dozvole za pogon za proizvodnju profila od fiberglasa smješten u Industrijskoj zoni, na zemljištu označenom kao k.č. broj: 1148/8 i 1148/9 K.O. Gradačac I, grad Gradačac.

U provedenom postupku dostavljena je i pregledana sljedeća dokumentacija:

- Ovjereni kopiji Rješenja o izmjenama podataka u sudskom registru broj: 032-0-Reg-21-000688 izdatog dana 28.05.2021. godine od strane Općinskog suda u Tuzli,
- Ovjereni kopiji Uvjerjenja o poreznoj registraciji izdatog dana 11.03.2016. godine od strane Porezne uprave Federacije BiH – Kantonalni porezni ured Tuzla,
- Kopija Rješenja o odobrenju za građenje broj: 06/2-23/2-3617/16 izdato dana 17.03.2017. godine od strane Službe za urbanizam, investicije i komunalne poslove Općine Gradačac (izdato za dogradnju poslovnog objekta - skladišna hala na parceli označenoj kao k.č. broj: 1148/9 K.O. Gradačac I po zahtjevu «NETZ» d.o.o. Gradačac),
- Kopija Rješenja o izmjeni Rješenja broj: 06/2-23/2-474/19 izdato dana 19.02.2019. godine od strane Službe za urbanizam, investicije i komunalne poslove Općine Gradačac (izmjena u pogledu imena investitora po zahtjevu «NETZ-ELEKTRIK» d.o.o. Gradačac),
- Kopija Rješenja o upotrebi objekta broj: 06/1-23/3-466/19 izdato dana 31.07.2019. godine od strane Službe za urbanizam, investicije i komunalne poslove Grada Gradačca (izdato za poslovni objekat – hala za obradu metala na parceli označenoj kao k.č. broj: 1148/8 K.O. Gradačac I po zahtjevu «NETZ-ELEKTRIK» d.o.o. Gradačac),

- Kopija Zaključka o ispravci greške u rješenju o upotrebi objekta broj: 06/2-19-3-2380/26 izdato dana 25.05.2026. godine od strane Službe za komunalne poslove i prostorno uređenje Grada Gradačca (izdato za poslovni objekat – hala za obradu metala sa kancelarijskim i pomoćnim prostorijama na parceli označenoj kao k.č. broj: 1148/8 K.O. Gradačac I po zahtjevu «NETZ-ELEKTRIK» d.o.o. Gradačac),
- Kopija Ugovora o najmu poslovnih prostora (proizvodna hala i dio objekta na parceli označenoj kao k.č. broj: 1148/8 K.O. Gradačac, proizvodni prostor dijela hale na parceli označenoj kao k.č. broj: 1148/9 K.O. Gradačac) zaključenog dana 20.01.2026. godine između «NETZ-ELEKTRIK» d.o.o. Gradačac i «FIBRAWORLD» d.o.o. Gradačac,
- Kopija Ugovora o preuzimanju, skladištenju i zbrinjavanju otpada zaključenog dana 12.01.2026. godine između «FIBRAWORLD» d.o.o. Gradačac i «KEMOKOP» d.o.o. Tuzla,
- Kopije računa sa transportnom dokumentacijom o zbrinjavanju ambalaže onečišćene opasnim tvarima broj: 060/26 od 06.03.2026. godine i broj: 092/26 od 07.04.2026. godine izdatih od strane «KEMOKOP» d.o.o. Tuzla,
- Kopija Rješenja o vodnoj dozvoli broj: UP-I/25-3-40-175-4/21 izdatog dana 24.05.2021. godine od strane «Agencije za vodno područje rijeke Save» Sarajevo,
- Kopija Obavijesti/mišljenja broj: 12/1-19-025957/25 vezano za okolinsku dozvolu izdato dana 09.09.2025. godine od strane Ministarstva prostornog uređenja i zaštite okolice Tuzlanskog kantona,
- Kopija Odgovora na upit broj: 05/2-19-5-635/25 dostavljenog dana 25.09.2025. godine od strane Federalnog ministarstva okoliša i turizma (nije potrebno ishodovati okolinsku dozvolu),
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu s odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog pogona u Industrijskoj zoni grada Gradačac i tom prilikom je sačinjen Zapisnik o uviđaju broj: UP-1/21-3-40-165-3/26 od 19.05.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni pogon za proizvodnju profila od fiberglasa lociran je u Industrijskoj zoni grada Gradačca. Pogon je instaliran u zakupljenom prostoru (vlasnik-zakupodavac «NETZ-ELEKTRIK» d.o.o. Gradačac) i čine ga dvije proizvodne hale sa skladišnim prostorom.

Osnovne sirovine za proizvodnju profila od fiberglasa su poliesterne smole, staklena vuna i razni aditivi za pultruziju. Tehnološki proces se izvodi pultrudiranjem tj provlačenjem staklenih vlakana kroz smolu uz dodatak aditiva (za vatrootpornost, za poboljšanje estetike proizvoda, za UV zaštitu...), njihovim oblikovanjem, sušenjem i sjedinjavanjem u čvrst kompozit. Maksimalna temperatura sušenja se kreće od 90 °C do 150 °C. Nastali proizvod se potom siječe na potrebnu dužinu, pakuje i odvozi u skladišni prostor. Finalni proizvodi od fiberglasa su: profili, rešetke, kanalice, kade, paneli, zaštitni pokrovi, rukohvati i sl.

U postupku proizvodnje profila od fiberglasa voda se ne koristi kao sirovina. Voda koja se koristi za hlađenje mašina je u sistemu recirkulacije. Za potrebe odvođenja nastale prašine iz sistema proizvodnje, instaliran je zatvoreni odsisni sistem sa ventilatorom i filterima.

Objekat je priključen na javni vodovodni i kanalizacioni sistem kojim upravlja JP «Komunalac» d.d. Gradačac. Oborinske vode sa krova i platoa oko objekata pogona prikupljaju se oborinskim sistemom kanalizacije cijelog kompleksa Industrijske zone grada Gradačca te ispuštaju u rijeku Gradašnicu.

Prikupljanje otpada nastalog u tehnološkom procesu vrši se u skladu sa Ugovorom zaključenim sa «KEMOKOP» d.o.o. Tuzla (dostavljeni računi sa transportnom dokumentacijom o zbrinjavanju ambalaže onečišćene opasnim tvarima za mart i april 2026. godine).

Prema dopisu broj: 05/2-19-5-635/25 dostavljenom dana 25.09.2025. godine od strane Federalnog ministarstva okoliša i turizma, za predmetni tehnološki postupak dobijanja finalnog proizvoda na bazi elastomera sa primjesama staklenih vlakana koji se koriste kao sirovina u postupku proizvodnje profila od fiberglasa, nije potrebno ishodovati okolinsku dozvolu.

U samom proizvodnom procesu ne upotrebljava se voda niti nastaju tehnološke otpadne vode kao rezultat tehnološkog postupka, kako je to utvrđeno odredbama člana 3. stav (1) tačka (cc), a u vezi sa tačkom (s) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24) odnosno nema ispuštanja tehnoloških otpadnih voda u smislu odredbi člana 139. stav (1) tačka 3. Zakona o vodama.

Iz razloga naprijed navedenih, a u skladu s članom 139. stav (1) Zakona o vodama i članom 200. stav (1) Zakona o upravnom postupku riješeno je kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-165-2/26 od 14.05.2026. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- «FIBRAWORLD» d.o.o. Gradačac
ul. Sarajevska br 72, 76250 Gradačac
- Ⓞ AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava